

固安縣志人物列傳目錄

鄉宦

|     |     |     |     |     |     |     |
|-----|-----|-----|-----|-----|-----|-----|
| 劉放  | 張華  | 張宏策 | 張緬  | 張續  | 張續  | 張知簪 |
| 張柬之 | 張說  | 曹國珍 | 寧鑒  | 李天翼 | 王復  | 李鸞  |
| 王欽  | 楊維聰 | 高澄  | 蘇志阜 | 張承叙 | 陶光寵 | 張允濟 |
| 傅好禮 | 郭光復 | 楊承湛 | 楊靖  | 高潤生 |     |     |

仕績

|     |     |     |     |     |     |     |
|-----|-----|-----|-----|-----|-----|-----|
| 張穆之 | 張潞  | 王子昌 | 李思明 | 張義  | 邊守禮 | 宋子貞 |
| 宋著  | 王騏  | 王穀  | 楊和  | 張素  | 張緒宗 | 楊維傑 |
| 楊繼  | 侯思義 | 李天祥 | 楊案寧 | 祖志伊 | 李鳳鳴 | 郭九圍 |
| 楊光燾 | 劉源澄 | 張應科 | 辛樂舜 | 卜景超 | 楊之體 | 楊燾  |
| 王普  | 王文煥 | 高釗  | 王德成 | 李孟春 | 董德潤 | 曹樹殷 |

固安縣志卷三文獻志

人物列傳目錄

忠節

|     |     |     |     |     |     |     |
|-----|-----|-----|-----|-----|-----|-----|
| 于進善 | 張國銘 | 蘇爾和 | 傅商衡 | 李時康 | 李九超 | 王家賢 |
| 李毓英 | 楊光龍 |     |     |     |     |     |

孝友

|     |     |     |     |     |     |     |
|-----|-----|-----|-----|-----|-----|-----|
| 哈都赤 | 張埧  | 齊綱  | 楊春元 | 李應禎 | 庫天才 | 賈三槐 |
| 宋印奇 | 李九祥 | 楊直政 | 隨宗印 | 孫延增 | 李思聰 | 張進寶 |
| 寇進忠 | 侯盡善 | 田士魁 | 吳春  | 史福旺 | 星恩榮 | 高鑑  |
| 徐孝子 | 王有功 | 馮樹椿 | 王錫綸 | 盧萬弘 |     |     |

篤行

|     |     |     |     |     |     |     |
|-----|-----|-----|-----|-----|-----|-----|
| 張士學 | 劉九功 | 崔玉乾 | 李鳳池 | 卜進義 | 楊廢餘 | 劉宏道 |
| 張世桐 | 石廷栢 | 王珂  | 馬倫  | 邵鈞  | 張世福 | 王建基 |
| 色克圖 | 王老肥 | 高際可 | 張顯  | 文玉  | 于觀河 | 曹譔  |

劉敬躋 劉燦 紀士彥 文明元 萬三錫 李培源 星光耀

趙錫純 炳文 萬湘林 李友桄 王錫彤 李好謙 張愛棠 姚鎮瑞

姚克濟 趙良安 杜蔭南 李維杰 張善繼 客漢卿

文翰

張禕 張陸 張希 張交 邢垂標 楊寬學 曹江

王灝 唐慶餘 楊步蟾 李維明 穆得元 楊潔 李樹

李詔 韓皎如 張樹基 曹飭 星光琇 李滌源 文藻翔

魏聯芳 王侗 李芳園 姚鎮瑞 劉樹勳 谷雲峯 萬執樞

劉銅 王芬 萬煦 李芳瑞 賈廷琳 韋炳文

書畫

司馬鍾 錢錫魁 劉昌安 鮑齡桂 仇雲峰 李明德 盧鑑泉

劉闕 修鐵珊 曹詒鄂

固安縣志 卷三 文獻志

人物列傳目錄

醫術

賈光明 寇永泰 宗源 尚廷賢 韓廷楷 杜純 蔣汝霖

陳汝翼 王榮 審煥文 老刀 王廷輔 王國璽 張桐

張德延 王思波 何光裕

國術

趙瑞 司新三 樂玉林 續峯 劉寶珍

寓賢

于成龍 蔣攸鈺

雜人

釋靖嵩 李小仙 金忠 冉興讓 杜之秩 楊善人 釋普泉

固安縣志

卷三 文獻志

第二 選舉下

鄉宦

魏

劉放字子棄涿郡方城人漢廣陽順王子西鄉侯宏裔也郡舉孝廉遭世亂說漁陽王松往

依太祖太祖善之令參司空軍事文帝即位以中書監賜爵關內侯三年進爵魏壽亭侯

明帝時尤見寵任進爵西鄉侯旋進爵左鄉侯善爲書檄三祖詔令有所招喻多放爲之

景初二年以遼東平進爵本縣爲方城侯明帝寢疾放勸明帝黜燕王宇馳召司馬宣王

論者譏之實則召還宣王出明帝之意不得專罪放也齊王正始元年爲左光祿大夫六

年轉驃騎將軍嘉平二年薨諡曰敬子正嗣咸熙中封正爲方城子

參三國志本傳魏

晉

固安縣志

卷三文獻志

選舉下

張華字茂先范陽方城人少孤貧自牧羊同郡盧欽見而器之鄉人劉放奇其才以女妻焉

學業優博圖緯方技之書莫不詳覽初未知名著鴈鸞賦以自寄陳留阮籍見之歎曰王

佐才也由是聲名大著郡首鮮于嗣荐爲太常博士盧欽言於晉文帝除佐著作郎遷長

史兼中書郎武帝拜爲黃門侍御封關內侯後拜中書令加散騎常侍以平吳功進廣武

縣侯惠帝以爲太子少傅拜左光祿大夫開府儀同三司侍中中書監當關主虐后之朝

彌縫補闕海內宴然華之力也久之論前後忠勳進封壯武郡公數年爲司空領著作後

以趙王倫廢賈后事竟遇害年六十九華博物洽聞天下奇秘之書咸搜集之著博物志

十篇行世崇祀鄉賢參晉書本傳

魏志及舊志

梁

張宏策字真簡方城人性孝友遭母喪三年不食鹽菜兄弟嘗同臥起世方姜肱兄弟焉從

武帝西征以爲輔國將軍累封洮陽縣侯盡忠奉上知無不爲交友故舊隨才荐拔縉紳

皆趨焉東昏餘黨孫文明作亂宏策入衛尉府遇盜見害年四十七贈散騎常侍車騎將

軍謚曰愍子緬嗣崇祀鄉賢祠

參梁書南史本傳

張緬字元長宏策子也年數歲中山劉仲德奇之曰此兒非常器張氏寶也天監元年襲洮

陽縣侯年十八出爲淮安太守武帝以其年少未嫻吏事遣主書封取郡曹文牘見其決

斷允愜甚稱賞之徐勉充殿中郎出爲武陵太守還拜太子洗馬中舍人遷豫章內史

緬爲政任恩惠不設鈎鉏人民咸化其德居憲司推繩無顧望武帝嘗遣畫工圖其形於

台省以勵當官遷侍中未任卒詔贈侍中加貞威將軍

參梁書本傳

張緬字伯緒緬第三弟也年十一尚武帝第四女富陽公主拜駙馬都尉封利亭侯年十七

身長七尺四寸眉目疏朗神采煥發武帝嘗曰張壯武後有興者其此子乎爲秘書郎固

求不徙欲遍觀閣內書籍帝執四部目曰君讀此畢可言優仕矣數載方遷太子舍人年

二十三遷太尉諮議參軍尚書吏部郎出爲吳興太守治郡省煩苛清靜民吏便之武

帝手詔曰緬外氏英華朝中領袖司空以後名冠范陽遷湖州刺史連職經途乃作南征

賦後授領軍俄改平北將軍雍州刺史爲岳陽王督所害謚簡憲所著鴻寶一百卷文集

## 固安縣志

### 卷三文獻志

選舉下

二十二卷

參梁書

張綰字孝卿續第四弟也才高口辯與兄續齊名以射策高第起家長兼秘書郎遷太子舍

人洗馬中舍人並掌管記湘東王繹營策之百事對關其六號爲百六公累遷國子博士

出爲北中郎長史蘭陵太守還除員外郎散騎常侍累遷御史中丞歲餘出爲豫章內史

在郡述制旨禮記正言義衣冠士子聽者常數百人安成人劉敬宮挾扶道叛寇豫章綰

修城隍設戰備旬月間賊平復爲御史中丞再爲憲司彈糾無所避豪右憚之遷吏部尚

書左僕射加侍中江陵陷朝士皆俘入關綰以疾免後卒於江陵

參梁書南史

唐

張知謇字匪躬幽州方城人徙家歧兄弟五人知玄知晦知泰知默皆明經高第曉吏清

介有守公卿爭爲引重調露時知謇監察御史裏行知默左臺侍御史知謇歷十一州刺

史所莅有威嚴武后降璽書存問萬歲通天中自德州刺史入計后奇其貌詔工圖之稱

其兄弟容而才謂之兩絕又門皆列戟白雀巢其延后數寵賜知泰歷益州長史中臺左

丞兵部侍郎封陳留縣公中宗在房州禁察苛嚴知審與董玄質崔敬嗣繼爲刺史供饒

保戴不少帝復位拜知審左衛將軍加雲麾將軍封范陽郡公知泰御史臺大夫加銀

青光祿大夫封漁陽郡公伯仲華首同貴時以爲榮知泰忤武三思故出爲并州刺史天

兵軍使終魏州刺史諡曰定知審歷東都副守左右羽林大將軍同華州刺史大理卿

致仕年八十開元時卒知審敏且亮惡請調求進士或不才冒位視之若仇每教子孫經

不明不得舉家法可稱云武后革命知泰奏置東都諸關十七所譏欲出入百姓驚駭樵

米踊貴卒罷不用議者羞薄之知默與監察御史王守慎來俊臣周興掌詔獄數陷大臣

守慎雖其甥惡鞠引之暴不得去請度爲浮屠后許之而知默卒陷酷吏子孫禁錮爲張

氏羞知玄子景昇知泰子景佚開元中皆顯官

參新舊唐書本傳

張柬之字孟將范陽方城人少涉經史令狐德棻奇其才以王佐期之中進士第永昌元年

以賢良台對策者千餘柬之爲第一授監察御史遷鳳閣舍人柬之遠於學沈原有爲能

斷大事其駁斥王元感之喪服論也據典引經士論雖之其請罷姚州之屯戍也洞明利

## 固安縣志

### 卷三文獻志

選舉下

三

害如數家珍其諫與突厥噉之和親也定尊卑之分嚴夷夏之防兩疏入俱不報俄爲荆

州大都府長史狄仁傑謂武后曰荊州長史張柬之宰相材也即詔爲洛州司馬遷秋官

侍郎姚崇爲靈武軍使若柬之材堪大用即拜鳳閣鸞台平章事進鳳閣侍郎一張誅柬

之首發其謀以功擢天官尚書漢陽郡公月餘進漢郡王加授特進令罷知政事後爲武

三思所構貶新州司馬至新州憤恚卒年八十二景雲元年贈中書令諡文貞

參舊唐書本傳

張說字道濟又字說之晉司空壯武公之裔孫周道館學士弋之曾孫贈慶州都督恪之

孫贈丹州刺史邢部尚書曠之季子也累世積德及說而發祥焉永昌中策賢良方正對

第一由是大知名起家太子校書三登左右丞相三作中書令一總戎於幽并唐興以後

朝佐莫匹遭母喪固請終制時以奪情爲榮說獨以禮終天下稱之睿宗朝進同中書門

下平章事玄宗即位太平公主引蕭至忠等爲宰相以說不附已罷政事至忠等誅召爲

中書令封燕國公爲姚崇所構出爲相州刺史俄授檢校并州長史旋遷尚書右丞相並

中書令又爲右丞遷左丞相開元十九年薨於東都康俗里第太常諡議曰文貞遺著甚

多稱一代大手筆云子均珣皆能文均襲燕國公授大理卿珣尚寧親公主爲太常卿

舊唐書

五代晉

曹國珍字彥輔少值燕薊亂離因落髮被緇客河西常以文章自許求貢禮闈且掌書奏期

年入爲左拾遺累遷至尙書郎每與人交傾財無吝色高祖即位以在藩時有私交自吏

部郎中拜左諫議大夫給事中後以言事讜直出爲陝州行軍司馬至任愷快避疾卒

五代史

遼

韓鑒字晦之舉進士由著作佐郎順州軍事判官大理評事中原內省判官秘書郎秦州樂

康令平州掌書記旋除朔州觀察判官改授敦睦弘義延昌宮判官加太子洗馬因上奏

道宗器之改授西京留守推官加殿中丞未拜特旨樞密院令史尋加尙書戶部郎中天

祚中詔覆張孝傑獄以能授樞密戶房主事遷左司郎中俄轉兵房承旨加少府少監後

固安縣志

卷二文獻志

選舉下

四

以接伴南宋人使得過出爲忠順軍節度副使不數月蔚羅民無貴賤貧富皆奉之若神

明焉乾統四年以疾卒於官署子三長奎孫舉進士次福惠左班祗候季鄭九亦進士

虞仲文撰  
君墓志銘

元

李天翼字輔之材具甚美且篤學與人交備極周密久而愈篤歷榮陽長社開封三縣令所

至有政聲遷右警巡使元遺山以書荐於耶律公曰固安李天翼天民之秀有用於世者

也後因操行奇異不與世合衆口媒藥竟以非命死死之日識與不識皆爲之流涕遺著

甚多崇祀鄉賢祠  
金元好問中州集

按縣人賈廷琳文獻志云固安舊志僅憑元遺山致耶律公一札便臆斷李天翼爲石

隱者流特立隱逸傳表章之殊不知與其生平出處大相謬戾又謂元史無天翼名尤

爲殊忽遺山賢者天翼旣爲遺山津津稱道其爲固安不見之賢哲自不待言宜其入

祀鄉賢祠馨香禋祀也

王復字初陽沙堡屯人裕州同知騏子天性寬厚沈靜寡言三歲喪母及長事繼母以孝聞

知縣劉敬見其氣宇磊落而莊重有威博學強記而不樂遊戲知他日必爲經濟之器深

愛重之補弟子員教諭陳遜憫其純篤寒苦惓惓有成就之意平日人未見其誦讀而於

聖賢旨趣性理蘊奧悉研窮默識爲文冲淡善於講解同列謂之王訓詁督學侍御每試

必稱賞不已正統六年舉鄉書七年登第九年授刑科給事中十年陞通政使司左參議

景泰初也先擁英宗入關邀大臣迎駕復奮然欲往遂充禮部右侍郎爲正使齎捧敕書

以行至德勝門外得仰瞻御容頓首拜泣也先怒令左右持刀迫脅仍以數事詰責復反

覆覈辯論不屈英宗止之曰休與他辨將紙筆來寫啟與皇太后知道也先實意送朕來即

着大臣出迎復等奏稱倉卒出城未將紙筆英宗笑曰好秀才官連紙筆也無口傳去罷

遂回也先遣騎馳追欲加害復等已入城矣遂陞右通政景泰四年持節冊封瀋王妃

予一無所受五年轉左通政累陞兵部左侍郎尚書調工部特進繁祿大夫上柱國太子

卷二文獻志

## 選舉下

五

少保以疾卒贈太子太保諡莊簡廢子瑁琛璟孫麟曾孫采人監誦讀書崇祀鄉賢祠

本明傳史

李鸞字天瑞南鋪里人倉副使榮子成化十二年舉人二十三年進士廣東道監察御史巡

按陝西以劾左布政使互相奏訐謫湖廣衡州府知事陸涇涇縣知縣和州知州

王欽字曰恭澄清坊人明成化十年舉人弘治二年進士授刑科給事中屢有建白如曰學

校無成皆由師道不立等項事宜吏部題覆有云無非愛惜人才崇重師儒之意詳其經

濟錄陞湖廣僉事補河南陞福建副使

楊維聰字達甫國子監學正和次子正德十四年以第一人舉於鄉明年成進士十六年廷

試一甲第一授翰林院修撰嘉靖二年充會試同考官遷右春坊右中允因議大禮廷杖

出爲山西副使改河南提督學校陞山東右叅政山西右布政使山東左布政使會推南

京光祿寺卿轉太僕寺卿蔭一子入監讀書崇祀鄉賢祠

高澄字蕭卿別號東玉幼讀書日數千言爲文超軼恒而嘉靖乙酉舉於鄉已丑登進士第



授行人會琉球國王當封公卿命宣上威德成禮而還晉尙寶司丞歷光祿少卿太僕少

卿改太常晉光祿卿汰除積弊爲人所難能晉右副都御史奏鑿書巡撫河南時宗藩益

盛歲廩弗支賦役增繁民多逋徙公庇帑羨以調贖乏罷汜征以集流亡不數月上下改

觀焉會檢舊書瘕狀劇作以歿享年五十有九子三長樞邑庠生次標次格

蘇志皋字德明通關廂人嘉靖十年舉人十一年進士授湖廣瀏陽知縣調江西進賢知縣

被徵以催科不及額陞刑部主事員外郎郎中直隸廬鳳兵備僉事爲建開壩事陞分守

宣府右參議爲提晉事陞陝西潼關兵備副使以宣府督餉不及謫河州知州以督撫兩

察院會保陞涇州兵備僉事二十九年推陞雁門等關兵備副使歷陝西左參政山西按

察使左布政使三十三年推陞都察院右僉都御史巡撫遼東兼贊理軍務考滿陞右副

都御史累蒙賞賚四十四年創修邑志著有寒村抱罕二集崇祀鄉賢祠

張承叙字懷德通關廂人張禎曾孫嘉靖十九年舉人二十三年進士授行人歷任工部主

事員外郎郎中改調山東兗州府通判歷陞直隸松江府同知江西臨江知府嘉靖三十

## 固安縣志

### 卷三文獻志

選舉下

六

八年爲病乞休吏部覆稱年力尙強官守克優暫准致仕後病痊之日有司具奏起用給

筇回籍崇祀鄉賢祠

陶光寵嘉靖三十七年舉人陝西隆德知縣陞山東兗州府通判萬歷初知太原府忻州知

州寬和勤慎其清丈田畝甚均民德之選晉府左長史忻州士民時省問之

張允濟字愛甫通關廂人海州吏目佳運子嘉靖三十四年舉人四十一年進士授戶部主

事陞郎中督理大同邊儲降荊州同知轉兩淮運司判官陞絳州知州補鄭州知州陞南

京戶部員外郎工部郎中淮安府知府山東布政司參政浙江按察司按察使右布政使

西左布政山東巡撫都察院右僉都御史四被恩綸封中憲大夫諡介穆崇祀鄉賢祠

傅好禮字伯恭馬慶里人萬歷元年舉人二年進士陝西涇陽知縣擢雲南山東諸道御史

請節游宴停內操裁戚畹語皆切直巡按浙江歲大祲動帑銀二萬兩留漕精二萬石賑

之自陳擅發罪上特宥之遷光祿寺少卿再遷翰林院提督四夷館陞太常寺少卿時樞

使四出海內騷動好禮抗疏言假宮抽稅之害四日不報復具疏跪闕下三日神宗震怒



降廣昌典史卒於官既而上思好禮言下其疏誅姦民張禮等二十八人害乃除天啟中贈太常寺卿崇祀鄉賢祠

郭光復字口口萬歷十七年進士授戶部主事歷陞員外郎郎中揚州府知府准徐兵備副使山西右參政調寧武道陞左布政四十二年陞都察院右副都御史巡撫遼東四十四年以死勤事明神宗特旨郭光復盡瘁循邊忠勞可憫准與祭葬贈兵部左侍郎廕一子入監讀書崇禎三年加贈正義大夫崇祀鄉賢祠以上秦志

清

楊承漑字聞仙家貧力學嘉靖九年舉於鄉十六年成進士任南漑知縣南漑濱海西達申江承漑首以疏淪幹河之閒港爲要工竣民居感德設祠祀之擢海門同知遭父喪北歸值其誕辰繪孤鶴南飛圖賦詩慶和承漑次韻有北向哀鳴方戢影南飛孤鶴尙祈年之句服闋調蘇州府海防同知青浦民因遭糧事數千人聚闕大吏以承漑有德南漑青浦其接壤也檄承漑往至則相率散去承漑歷官南服政績卓然卒年六十有五參徐世昌

## 固安縣志

### 卷三文獻志

選舉下

七

傳

楊靖字綬臣晚號瓠叟進士聞仙公子也道光癸卯科舉人咸豐癸丑科特試內閣中書九年充江南鄉試同考官光緒後所至屢著循績其署鎮江府也廉明公正愛人以德治獄如神凡地方公益善舉無不捐廉提倡之其充同考官也薦舉皆江南佳士其任鎮江守也賞拔皆當地英才著有五石瓠齋詩集總若干卷並自爲序冠之於簡端參本縣文獻志

高潤生字菴波贊皇縣教諭瑞和之長孫戶部主事釗之孤子也童年失怙塊苦若成人悲號廢讀叔鑑諫之曰與其哀毀傷堂上心何若顯揚慰泉下志耶乃遍延一時名宿課之讀師承有自學以日增壬午中副車乙酉登秋榜已丑捷春闈庚寅補行殿試授翰林院庶吉士嗣由國史館纂修轉升江南道御史正色立朝不避權貴清德宗皇帝大行變儀過後親王貝勒多馳騎行御道上劾以失臣子禮嗣轉戶科給事中遷刑科給事中劾鐵路大臣呂海寰及直隸總督楊士驤一般親貴相顧失色丁內艱哀毀骨立每日謁墓叩泣三年如一日烈風雷雨弗阻也侍叔父疾嘗湯藥滌溺器晝夜罔或間公餘設帳萬孝

廉執樞曹孝廉樹殷當代文豪皆其高足法籍某博士欲受業頻年回國譯註楚詞亦得

心香一瓣也晚年臥疾纂修固安縣志未竣著文字討原文字蒙求籤記及說文提要箋  
皆未付梓惟爾雅穀名考一書行於世探訪

固安縣志

卷三文獻志

選舉下

八

仕績

宋

張穆之梁太祖文獻皇后父也字思靜晉司空華六世孫與乃其曾祖也少方雅有識鑒宋元嘉中爲員外散騎侍郎深被始興王濬引納穆之鑒其禍萌求爲交趾太守治有異績會刺史死交士大亂穆之威懷循堵境內以安宋文帝嘉焉將以爲交州太守會病卒梁武帝時追贈光祿大夫加金章紫綬子宏籍無子以從父弟宏策子續爲嗣參梁書 皇后傳

唐

張謐字若水漢陽王柬之之家子也天縱明達家傳孝友周舉成均進士擢第一上聖歷封事再上書苗書柬之誅二張事謐寔有力焉一生七流官秩六承恩拜而典要有禮所居政皆爲後世矜式丁內艱哀毀滅性未卒哭而終於倚廬上下震悼之參本縣志 文獻志

金

王子昌官經略史金之驍將也以善戰知名元太祖定河朔子昌守保定阻水爲固遠近憚

固安縣志

卷三

文獻志

選舉下

九

之元張柔命將何伯祥冒死與戰子昌遂敗績參元史 歲輔通志 本縣文獻志

李思明明昌間爲郊縣主簿奉法循禮不矜才能歲早禱雨多應民刻石紀之參河南通志 名宦傳

元

張義素曾伯祖也自幼好學攻書德重閭里比長簪力驍勇尤精武略至正初蒙徵詔從戎有功累陞至天下隨路打捕鷹房總管志

邊守禮至正元年爲崑山州判官崑山地瀕海沿海居民多航海往來水陸之衝出彼入此號稱難治且科徵調發歲無虛日官此者往往窮於術公履任皆貸之以寬使民自盡其情政不擾民不偷任職三年公私具舉州人士於其秩滿將行也咸欲叙其績而刊之石謳歌以紀之參元朱德潤邊事遺愛碑

按縣人賈廷琳文獻志云邊承事蹟我縣舊志失載按學宮西廡下有元大德九年初建學院講堂碑係賈庸貴撰邊守禮書久未曉邊爲何所人今得涵芳樓祕笈所印元朱澤民遺集閱之始知即我縣人且爲元代循良將來我縣鄉賢祠中宜請附祀不

勝狂喜累日云

宋子貞官莊里人官中書平章政事世祖柄用屢有獻納多所裨益每降詔獎論次第行之其子孫相傳給事中劉綱荐爲人材官參舊志

按縣之官莊里屬萬春鄉考元史本傳子貞字周臣潞州長子人因亂徙居趙魏竊疑由趙魏復徙居縣境舊志所載當有所本故傳列之以待參証

宋著字彥明至正三年任定興知縣勸農業勵學校法度嚴明軍民敬畏之縣人爲立德政碑後改知涑水威德並行政聲卓著參定興涑水縣志名宦傳

明

王麒字秉良號存齋沙堡屯人少負奇略經史子傳博覽強記補弟子貢永樂初以鄰縣生備城守授永清縣簿尋調山東蒲台縣繼荐擢北京行部工曹主事居官廉正爲權貴所嫉左遷河南舞陽縣知縣縣多盜劫奪標掠民不聊生麒獲其渠魁誅之境以安謐歲饑流亡載道捐俸易米賑其顛連者全活無算尤注意學校勸課諸生士子就士途者咸感

固安縣志

卷二文獻志

選舉下

德解組日行李蕭然縣人白當道乞留朝廷嘉其能陞裕州同知蒞臨未久以疾卒子復

工部尚書贈太子太保諡莊簡參蘇志及河南舞陽縣志名宦傳

王穀字廷玉別號怡庵工部尚書太子少保贈太子太保諡莊簡復其叔也幼有岐嶷狀長

有文名以俊秀列邑庠繼由胥監入銓曹列高等天官卿重之優以蕭縣尹下車之日勸

農業防水患設學校凡所設施一以利民爲主旨諱民大化值饑饉人民流離失所公懇

大府發倉賑恤全活者無算在職九年麥有雙岐蝗不入境人皆歸德於公尋求致仕蕭

民遮道留之非至德感孚曷克臻此弟三人璉琰玖俱成名參西關王祖塋記補氏

楊和字節之自少孝親睦族勤學好問及長嚴重剛方不愧暗室且絕口不言人非成化丙

午領鄉書授直隸徐州學正被徵陞國子監學正歷任教職勤於訓誨造就人才居多又

篤於恩義當時生徒咸欽仰之陞代府左長史未幾卒於官比歸行李蕭然平時不務蓄

積惟嚴於教子所至必爲擇師以講明義理其在徐州路當水陸之衝名公巨卿道經徐

者必使諸子執贄求教以聞所未聞故皆擢巍科致盛譽爲海內聞人云遂州祀于名宦

祠本邑崇祀鄉賢祠子維傑維聰維誠孫文祥文祚文科蘇

張素字文質負郭里人天資秀穎博學多聞從遊鄉校名重師友間少孤事母至孝母歿喪葬一循乎禮服衰麻廬於墓側哀毀骨立時有瑞草靈鵲之應有司欲上其事力辭而止永樂己丑登胄監庚子授河南涉縣知縣洪熙改元調封邱縣撫字賢勞政績顯著嘗築古潭水患遂彌吞蝗蝻禾稼穫收民到於今稱之後乞老還鄉人重其有二疏之風暇則携琴訪舊把釣坐石或邀遊琳宮或訓育諸子故以四樂自號縉紳士大夫咸題咏以贈春秋九十二而卒崇祀鄉賢祠

張緒宗素子永樂年貢生篤志力學任陝西岐山縣知縣在官無纖芥之愆聲譽著聞九載考績蒙旌異封父母並妻榮莫大焉陞山東萊州通判

楊維傑字英甫和子維聰弟嘉靖丙戌廷試一甲第二授翰林院編修充經筵講官校錄明祖列聖御集并經史諸書成陞翰林院侍讀崇祀鄉賢祠

楊繼字紹菴西辛里人庠生明駙馬都尉春元之父官南城兵馬司副指揮誥贈光祿大夫

## 固安縣志

### 卷二文獻志

選舉下

左柱國都督府左都督萬歷三十七年歿聖上遣官致祭賜祭一壇給地造墳子春華春茂春秀春元春英參明神宗實錄及楊氏族譜

侯思義字介甫號廉溪西辛里人幼聰慧十九補縣學生萬歷四年食廩素性仁厚濟人之急事難枚舉丁內艱哀毀骨立四十年任寧津訓導四十四年改補涿水履任後躬率諸生步趨繩尺庠序肅然四十七年擢興濟教諭未到任以微疾卒子奉職字石民天啟七年舉人受業定興鹿忠節之門文章優裕見推當時曾修補縣志參本縣志文

李天祥字吉甫南房里人萬歷戊子舉人歷任山西山陰縣知縣山東利津縣知縣浙江杭州府同知生茂宣蹟死協鄉評崇祀鄉賢祠

楊榮學字仲恭號協齋維傑孫文祿子萬歷戊子舉人授山西太平縣知縣順德府教授轉陝西膚施縣知縣陞山東德府審理正生員李鳳池等公舉孝廉呈請載入邑志縣令秦批云忠孝友愛和睦仁慈廉直著於服官任卹治於同氣士林之餘出鄉紳之翹楚也

宜急著志以垂不朽

秦以上志

祖志伊字起莘通關甯人萬歷戊子舉人歷任山東濱州知州四川茂州知州崇祀鄉賢祠

舊志云治猷文翁名高靖節惇倫孝友孚子寰内外之稱錫類解推有仲淹橋梓之德蓋當時請祀鄉賢呈中語

李鳳鳴字立岡號岐陽天祥長子萬歷癸卯舉人孝友仁厚冠於鄉評一領賢書兩司民社其任介休也步禱而甘雨隨車鋤奸而兇頑怖瞻賑荒散粟流離無溝壑之悲編審施粥然獨免饑寒之苦碑傳萬口頌滿千家其任岳陽也以凋敝山邑行循良實政剪儀賓之惡而通糧立起不事諛朴革羨耗之餘而官解催徵未聞賠累閩邑稱爲慈母一方目以青天夫人劉氏死節見列女志

郭九圍光復子初任都察院照磨歷任右府都事中府經歷刑部四川司員外郎貴州司郎中陞貴陽府知府崇祀鄉賢祠

楊光燮字允諧春元長子太子太師左都督覃恩特進榮祿大夫夔雅善書繼述曾爲楊左諸公屢侮逆璫長安高其節義至於忠孝禮義俱有父風

## 固安縣志

### 卷二文獻志

選舉下

劉源澄南房村人順治五年舉人九年成進士十年授甘肅合水知縣寬嚴並濟輸納愈於曩時修葺城垣墮壕人畏其法無有不如期立至者旋陞戶部主事理鳳陽倉儲兼管正

陽關稅務康熙八年典廣東鄉試副考官

參甘肅通志名宦傳

張應科字顯之當渠里人順治八年舉人已亥進士十八年知合浦縣事蒞任三載清操自守勤政愛民康熙元年內差遷界竭力維持保全甚多解組日士民扳轅涕泣遮道祖餞且祝之曰張公再來是天有眼非德澤感人之深曷能若此

參廣東通志合浦縣志名宦傳

辛樂舜康熙庚戌進士授江西南康知縣卒於官循績懋著邑人爲之勒石建祠

卜景超兆麟子康熙己未進士由四川安縣知縣歷陞禮部郎中提督貴州學政後補雲南

永昌道參議廉能謙和博洽著述凡歷官所至教育人士無間蒙養

以上聯志

楊之暉字子陽親喪哀毀骨立殯葬如禮生平不言人過而能周窮乏雍正五年由廩生舉

賢良方正授廣甯訓導廣邑紳士鮮嗜學之體捐重貲興鑿字循序教誨生徒賴以鼓舞

當事服其才議薦之力辭子七秀進士煥舉人煥庠生煥舉人燾進士燾舉人燾孫步雲

步蟾惟誥均舉人

參陳志及楊氏族譜

楊鍾賢良方正之體第五子雍正七年舉人乾隆二年進士歷官山東新城海豐長清三縣知縣江南山陽知縣其知新城縣時改軍閘爲壩以杜啟閉之弊重修桑公院立涵洞以防衝決之患縣人爲勒碑以紀其事

參山東通志名宦傳

王普字德輝城西丞相莊人乾隆初以河功果遷至文登副將王倫之亂擾壽張臨清堂邑

陽穀諸處巡撫徐績剿之不利檄公至東昌公卽赴敵與賊戰於臨清身先士卒殊死戰

斬敵無算陞參將臨清平諸郡尙擾公率所部兵潛至出其不意擊之賊潰散多匿民間

爲再擾計公改裝緝捕在壽張等處凡四閱月而肅清巡撫徐績以得軍心奏聞詔以總

兵陞用改任河標副將乾隆四十九年授河南河北鎮總兵伊陽奸民秦國樑聚衆戕官

擄犯公勦撫兼施善良被脅者深感其德五十七年乞休四年卒於家年七十一子三長

文勳次文昭

後名河南魯山知縣三文煥後名山東惠民知縣參大清藏輔先哲名

王文煥字菱湖總兵普第三子以捐納簽掣山東歷置嘉祥萊陽金鄉等縣典史臨清州吏

目嘉慶十八年教匪之亂奉委馳檄赴保定沿途匪勢猖狂屢瀕於危道光七年荷澤大

盜李三知聚衆掠擾奉委勦緝未逾兩月擒獲無遺以考績陞知惠民民事抵任兩月結百

六十餘案多所平反二十三年託疾引退縣民詣上官乞留不可瀕行請留其扁爲遺愛

後上官敦迫赴省以疾未痊謝三十年疾卒里第

參山東通志職官表及惠民縣志名宦傳

高釗字小鋒渠溝鎮人性謹厚樂施與歲歉散粟待飢全活無算咸豐間捻梟匪起鄉鎮皆

奉檄辦團練衆推公爲團練長公慨捐鉅資修防禦民賴以安同治六年秋大雨雹田中

禾稼皆摧敗獨公田無少損郡司馬戲災過境知其事躍然喜曰雹不傷稼之事古有其

語今乃寔有其徵也手書爲書獲福額旌其門越日郡司馬還輿過縣語之縣令乃合詞

疏公前後諸善狀白大府大府上其事於朝朝士亦多慕公名因聯銜保奏得旨以主事

用子潤生光緒十五年進士授翰林院檢討官江南道監察御史以清操有聲政界守先

訓也公之卒也晨起盥漱畢整衣坐廳事瞑目端坐無疾而終

參本縣志及採訪文獻



王德成字振溪門鐵營人嘉慶己卯科武進士誥授武義都尉性誠篤樂爲人排難解紛一

時里人無涉訟者里人咸以善人目之邑人苦煤車汎馬諸難捐公憤然率邑紳稟請大

府悉予蠲除鄉里免此苛政如出水火登之祗席咸德公咸豐元年選補浙江嘉興府紹

興衛守備在任四年無曠厥職五年補杭嚴衛守備年餘連陞都司及鎮守會龍山遊擊

未到任以疾終長子萬春道光庚子科武舉投効省垣署左備營守備急公好義嚴肅治

家孫秉鈞光緒庚寅武舉補東昌衛千總秉銓武庠秉樞光緒戊子武舉補兵部差官秉

璋武監參王氏墓  
碑及採訪

民國

李孟春字極辰清漢軍鑲藍旗人光緒壬午科武舉甲午科進士殿選三等侍衛光緒二十

一年北洋陸軍將弁學堂畢業分充陸軍第二鎮砲兵第二營隊官光緒三十三年升任

陸軍第二鎮中軍官宣統元年調任福建省福鼎縣桐山營游擊民國四年北京陸軍部

差遣員調北京軍警督察處稽查官嗣以年老辭民國十八年歿於東洋屯故里年七十

固安縣志

卷二文獻志

選舉下

一子恩祥保定講武堂畢業陸軍二十四師九十四團團附

董德潤字澤民城西大杜莊人知縣松齡子以蔭生遵海防例報捐北河試用縣丞歷署南

八北四等汛勤慎從公蒙永定河張觀察保過班知縣嗣蒙陳督憲委保定府府局承審

首席是時拯救無辜遭縲紲之冤者不知凡幾翻縣之初審而定讞者又不知凡幾督藩

兩憲委以佛差橋道總辦壁畫經營未及旬而歲事至活佛入境道路平坦橋梁穩固活

佛褒獎有加授清豐縣知縣調補故城縣知縣勸政安民黎庶愛戴立碑頌德升任留靴

民國肇造朱巡按委爲子牙河工巡長該河兩岸延長六百餘里沿岸民風刁悍常以爭

水釀命案在任三載河無決口民無爭訟民國五年涿源縣民變戕官焚署其勢洶洶上

峯以其有能名也檄委涿源縣長到任後嚴懲首要解散脅從地方以安年老解組兩袖

清風宦囊差澀賴僚官飲助資斧始獲回里

曹樹殷字研齋一字伯甄中公由村人雪樵老人孫幼聰穎才識過人讀書數行下爲文有

奇氣下筆數千言頃刻立就當時皆以才子稱年十五應縣試縣令謝奇其才錄爲第一

逾年食廩繼從高給諫某波遊學日益進光緒癸卯舉於鄉時豐城毛公觀察永定河道一見驚喜即以翰苑材目之資遣遊學日本迨毛公陞調藩署復致之儲材館光宣之間歷充順天中學農林中學直隸保定優級師範藩署法政等校教習前縣長東光王公煥齋其在保定時所得士也民國二年考取第三屆知事分發江西四年到省五年委署蓮花知縣勤政之餘時與清遺老朱純卿帝師朱益卿兄弟詩酒唱和無虛日十年調署九江旋復回任計前後知縣事十年餘所至以儒吏稱泊賦歸來日事著述無他嗜里中賈君冠英得其指示詩文多所成就十九年冬縣長賈遜在續修邑志事開局未久翼主席王公樹常重其名聘爲通志館總纂公餘之暇輒以詩畫自娛晚年尤擅草書手迹遍南北人爭寶之卒年六十三著有則廬詩文稿琴水詩存金芙蓉館集聯半段檣等十餘種均待修整付梓子一長詒鄂保定育德中學畢業工書畫有名於時早卒次育原名諡正輔仁大學

畢業北京國立師範大學體育系講師以上採訪

# 固安縣志

## 卷三 文獻志

選舉下